



Ol rul blong seksual kondak blong ol humanitarian woka

Ol Humanitarian woka oli save fesem disiplin – o oli save sakem olgeta long wok – blong ol fasin we i no stret nating long saed blong seks. Oli mas folem ol rul ia:

- Humanitarian woka i no alao blong gat seksual rilesensip wetem eniwan we i andanit long eij blong 18, i no mata sapos long kaontri blong hem hemi likol. Blong talem se oli no save tru eij blong patna hemi no wan ekskuis.
- Humanitarian woka i no alao blong pem seks wetem mani, wok, ol gud o ol sevis – hemia i inkludim ol gud mo ol sevis we i stap blong ko long ol pipol we oli stap long nid. Oli no mas yusum promis blong ol samting ia blong mekem ol nara pipol i akseptem eni kaen behevia we i mekem olgeta i sem o i abiusim olgeta. Hemia i inkludim pem o givim mani blong gat seks wetem wan prostitut.
- Humanitarian woka i save influensem hu i kasem ol guds mo ol sevis. Hemia i putum olgeta long wan posisen blong pawa ova long ol pipol we oli nidim help. From hemia, ol okanisesen we oli stap mekem ol humanitarian wok oli toktok strong blong no enkarejem ol staf blong gat rilesensip wetem eniwan we i fesem wan humanitarian emejensi. Ol rilesensip olsem oli mekem ol humanitarian aksen i luk olsem se i no luk tru mo rilaeabol
- Spos wan humanitarian woka i wari o i saspektem wan memba long okanisesen blong hem o long wan nara aid okanisesen se i stap brekem ol humanitarian rul long seksual kondak, hemi mas ripotem folem ol prosidja we ajensi blong hem i putum i stap
- Humanitarian woka i mas mekem mo mentenem wan wok envaromen we i stopem seksual bihevia we i no stret mo i enkarejem ol staf blong follem ol fasin we i stap insaed long kod blong kondak long wok blong olgeta. Everi maneja i risponsibol blong sapatem mo developem ol sistem we i mentenem envaromen ia.

Ol Inter-Agency Standing Committee (IASC) prinsipol long seksual exploitesen mo abuse, yu save aksesem long ples ia: http://www.pseataforce.org/uploads/tools/sixcoreprinciplesrelatingtosea_iasc_english.doc. Simpol lanwis vesen hemi develop wetem colaboresen bitwin IASC task tim long acountabiliti i go long ol populesen, proteksen mo seksual expolitesen mo abuse mo ol transleta we i no gat boda.